

URED VLADE FEDERACIJE BOSNE I HERCEGOVINE ZA ZAKONODAVSTVO I USKLAĐENOST SA PROPISIMA EVROPSKE/EUROPSKE UNIJE

492

Na osnovu člana 2. Uredbe o izmjeni Uredbe o osnivanju Federalne novinske agencije ("Službene novine Federacije BiH", broj 14/12), a u vezi sa članom 91. stav 1. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10 i 62/10), Ured Vlade Federacije Bosne i Hercegovine za zakonodavstvo i usklađenost sa propisima Evropske unije utvrđio je Prečišćeni tekst Uredbe o osnivanju Federalne novinske agencije, kako slijedi

URED O OSNIVANJU FEDERALNE NOVINSKE AGENCIJE -PREČIŠĆENI TEKST-

I - OSNOVNE ODREDBE

Član 1.

Radi obavljanja novinsko-agencijskih poslova od značaja za Federaciju Bosne i Hercegovine (u daljem tekstu: Federacija), federalne i druge organe i institucije, osniva se Novinska agencija Federacije Bosne i Hercegovine pod nazivom: "Federalna novinska agencija" (u daljem tekstu: Agencija), kao javna ustanova.

Član 2.

Na Agenciju se primjenjuju opći propisi o radu i kolektivni ugovori, ako ovom uredbom nije drugačije uredeno.

Član 3.

Agencija ima svojstvo pravne osobe.

Sjedište Agencije je u Sarajevu.

Agencija ima organizacioni dio u Mostaru.

II - DJELATNOST AGENCIJE I SREDSTVA ZA RAD

Član 4.

Agencija obavlja slijedeće poslove od značaja za Federaciju, i to:

- prikuplja, obraduje i distribuira informacije o radu federalnih, kantonalnih, gradskih i općinskih organa vlasti, te drugih tijela i institucija u Federaciji,
- prikuplja, obraduje i distribuira informacije o privrednim, političkim, kulturnim, sportskim i drugim događajima i pojavama u Federaciji, odnosno u Bosni i Hercegovini, susjednim i drugim državama i inostranstvu,
- saraduje sa domaćim i inozemnim informativnim organizacijama i agencijama,
- prikuplja, obraduje i distribuira informacije o člancima (pisani), odnosno emisijama domaćih i inostranih javnih glasila o događajima i pojavama u Federaciji, odnosno u Bosni i Hercegovini i inostranstvu,
- obavlja i druge novinsko-agencijske poslove za potrebe federalnih organa vlasti.

Član 5.

Agencija može, u okviru svog djelokruga, obavljati uz naknadu određene novinsko-agencijske poslove za organe vlasti, privredna društva, druge pravne osobe i pojedince.

Naknada za obavljanje poslova iz stava 1. ovog člana utvrđuje se ugovorom između Agencije i korisnika usluga.

Agencija samostalno raspolaže sredstvima ostvarenim vlastitom djelatnošću iz stava 1. ovog člana.

Agencija može sticati sredstva za rad i putem donacija i drugih oblika dobrovoljnih donacija.

Član 6.

Sredstva za finansiranje djelatnosti Agencije osiguravaju se u budžetu Federacije.

Član 7.

Agencija je odgovorna za svoje obaveze sredstvima kojima raspolaže.

III - ORGANIZACIJA AGENCIJE

Član 8.

Organizacija i način rada Agencije utvrđuje se pravilima Agencije.

Član 9.

Agencija može osnovati dopisništva izvan svog sjedišta u zemlji i u inostranstvu.

IV - ORGANI AGENCIJE

Član 10.

Organ upravljanja Agencije je Upravni odbor.

Upravni odbor ima sedam članova.

Predsjednik i članove Upravnog odbora, na osnovu javnog konkursa imenuje i razrešava Vlada Federacije Bosne i Hercegovine (u daljem tekstu: Vlada Federacije), na usaglašen prijedlog premijera i zamjenika premijera.

Dva člana Upravnog odbora imenuju se iz reda zaposlenih u Agenciji.

Predsjednik i članovi Upravnog odbora imenuju se za vrijeme od četiri godine i mogu biti ponovo imenovani.

Direktor i zamjenik direktora Agencije ne mogu biti članovi Upravnog odbora.

Komisiju za izbor članova Upravnog odbora, na prijedlog Agencije, imenuje Vlada Federacije.

Član 11.

Upravni odbor Agencije vrši slijedeće poslove:

- donosi pravila Agencije,
- imenuje i razrešava direktora i zamjenika direktora,
- utvrđuje planove rada i razvoja,
- donosi finansijski plan i usvaja godišnji obračun,
- donosi opći akti o unutrašnjoj organizaciji i sistematizaciji radnih mjeseta i druge opće akte u skladu sa zakonom i pravilima Agencije,
- vrši i druge poslove, u skladu sa zakonom i pravilima Agencije.

Član 12.

Rad Upravnog odbora je javan.

Član 13.

Upravni odbor donosi odluke većinom glasova svih članova, ako pravilima Agencije nije drugačije određeno.

Član 14.

Organ rukovodenja Agencijom je direktor.

Agencija ima zamjenika direktora.

Direktora i zamjenika direktora Agencija imenuje i razrešava Upravni odbor, na osnovu javnog konkursa, uz saglasnost Vlade Federacije.

Direktor i zamjenik direktora ne mogu biti iz istog konstitutivnog naroda.

Direktor i zamjenik direktora imenuju se na vrijeme od četiri godine i mogu biti ponovo imenovani na istu dužnost.

Pravilima Agencije bliže će se urediti način izbora i razrešenja direktora i zamjenika direktora.

Član 15.

Ako na konkursu ne bude imenovan direktor, odnosno zamjenik direktora, Upravni odbor će bez konkursa imenovati vršilac dužnosti direktora, odnosno vršilac dužnosti zamjenika direktora iz reda zaposlenika u Agenciji.

Vršilac dužnosti direktora, odnosno vršilac dužnosti zamjenika direktora ima sva prava i dužnosti direktora, odnosno zamjenika direktora.

Vršilac dužnosti direktora, odnosno zamjenika direktora mogu rukovoditi Agencijom do imenovanja direktora, odnosno zamjenika direktora, a najduže šest mjeseci od dana imenovanja

na dužnost vršioca dužnosti direktora, odnosno zamjenika direktora.

Član 16.

Direktor i zamjenik direktora neposredno rukovode radom Agencije.

Direktor Agencije rukovodi radom Agencije, zastupa i predstavlja Agenciju prema trećim osobama i odgovoran je za zakonitost rada Agencije.

Ovlašćenja direktora, odnosno zamjenika direktora u rukovođenju Agencijom bliže se uređuju pravilima Agencije, u skladu sa zakonom.

Član 17.

Agencija ima glavnog urednika i zamjenika glavnog urednika.

Glavnog urednika i zamjenika glavnog urednika imenuje i razrješava direktor, odnosno zamjenik direktora, uz saglasnost Upravnog odbora.

Način rada odgovornih urednika uređuje se pravilima Agencije.

Član 18.

Agencija ima Nadzorni odbor.

Nadzorni odbor Agencije ima tri člana.

Predsjednika i članove Nadzornog odbora imenuje i razrješava Vlada Federacije, na usaglašen prijedlog premijera i zamjenika premijera.

Najmanje jedan član Nadzornog odbora imenuje se iz reda zaposlenika u Agenciji. Predsjednik i članovi Nadzornog odbora imenuju se za vrijeme od četiri godine i mogu biti ponovo imenovani.

Član 19.

Nadležnost Nadzornog odbora uređuje se pravilima Agencije, u skladu sa zakonom.

V - OPĆA AKTA AGENCIJE

Član 20.

Osnovni opći akti Agencije su pravila Agencije koja donosi Upravni odbor, na usaglašeni prijedlog direktora i zamjenika direktora.

Pravilima agencije uređuju se sva pitanja bitna za organizaciju i rad Agencije, u skladu sa zakonom i ovom uredbom.

Sredstva za rad Agencije iz čl. 5. i 6. ove Uredbe, na pojedine namjene, raspoređuju se finansijskim planom, koji donosi Upravni odbor Agencije, na način propisan pravilima Agencije.

Plaća i druge naknade zaposlenika Agencije, u skladu s finansijskim planom iz stava 3. ovog člana, utvrđuju se pravilnikom o plaćama i naknadama, koji donosi Upravni odbor Agencije, na način propisan pravilima Agencije.

Agencija može imati i druge opće akte, što se utvrđuje pravilima Agencije.

Član 21.

Akt o unutrašnjoj organizaciji i sistematizaciji radnih mјesta Agencije, donosi Upravni odbor na usaglašeni prijedlog direktora i zamjenika direktora, uz saglasnost Vlade Federacije.

VI - NADZOR NAD RADOM AGENCIJE

Član 22.

Nadzor nad zakonitošću rada Agencije vrše Federalno ministarstvo finansija - Federalno ministarstvo finansija, Federalno ministarstvo pravde i druga federalna ministarstva, svako u pitanjima iz svoje nadležnosti.

VII - UPIS U SUDSKI REGISTAR

Član 23.

Agencija se upisuje u sudski registar kantonalnog suda u sjedištu Agencije.

Ova uredba je osnivački akt na osnovu kojeg će se izvršiti upis Agencije u sudski registar.

VIII - PRIJELAZNE I ZAVRŠNE ODREDBE

Član 24.

Imovinu i imovinska prava Agencije čine imovina i imovinska prava i obaveze koja su do formiranja Agencije pripadala Novinskoj agenciji BH PRESS iz Sarajeva, i imovina i imovinska prava i obaveze koja su do formiranja Agencije pripadala Novinskoj agenciji HABENA iz Mostara.

Član 25.

Obaveze Novinske agencije BH PRESS iz Sarajeva i Novinske agencije HABENA iz Mostara, koje nisu izmirene do dana 18. oktobra 2001. godine, osigurat će se u Budžetu Federacije Bosne i Hercegovine, o čemu će Vlada Federacije donijeti posebnu odluku.

Član 26.

Djelatnike Novinske agencije BH PRESS i Novinske agencije HABENA preuzet će Agencija u skladu sa aktom o unutrašnjoj organizaciji i sistematizaciji radnih mјesta Agencije.

Član 27.

Pravila i akt iz čl. 20. i 21. ove uredbe donijet će se u roku od 30 dana od dana imenovanja direktora i zamjenika direktora, odnosno vršioca dužnosti direktora i zamjenika direktora.

Član 28.

Vlada Federacije će u roku od 10 dana od dana stupanja na snagu Uredbe o osnivanju Federalne novinske agencije ("Službene novine Federacije BiH", broj 48/00), imenovati Upravni odbor Agencije.

Član 29.

Dok se ne izvrši imenovanje direktora i zamjenika direktora u skladu sa članom 14. ove uredbe, Upravni odbor će bez konkursa imenovati vršioca dužnosti direktora i zamjenika direktora na period od šest mjeseci. Ovo imenovanje izvršit će se u roku od 10 dana od dana imenovanja Upravnog odbora.

Član 30.

Prečišćeni tekst Uredbe o osnivanju Federalne novinske agencije obuhvaća: Uredbu o osnivanju Federalne novinske agencije ("Službene novine Federacije BiH", broj 48/00), Uredbu o dopuni Uredbe o osnivanju Federalne novinske agencije ("Službene novine Federacije BiH", broj 48/01), Uredbu o dopuni Uredbe o osnivanju Federalne novinske agencije ("Službene novine Federacije BiH", broj 30/02), Uredbu o izmjenama i dopunama Uredbe o osnivanju Federalne novinske agencije ("Službene novine Federacije BiH", broj 38/03), Uredbu o izmjenama i dopunama Uredbe o osnivanju Federalne novinske agencije ("Službene novine Federacije BiH", broj 17/06) i Uredbu o izmjeni Uredbe o osnivanju Federalne novinske agencije ("Službene novine Federacije BiH", broj 14/12), u kojima je naznačen dan stupanja na snagu tih uredbi.

Direktor Ureda Vlade
Federacije Bosne i Hercegovine
Broj 02-02/2-40-130-2/12
12. marta 2012. godine
Sarajevo

za zakonodavstvo i usklađenost
s propisima Europske unije
Zeljko Siladi, s. r.

Na temelju članka 2. Uredbe o izmjeni Uredbe o osnivanju Federalne novinske agencije ("Službene novine Federacije BiH", broj 14/12), a u svezi s člankom 91. stavak 1. Poslovnika o radu Vlade Federacije Bosne i Hercegovine - Pročišćeni tekst ("Službene novine Federacije BiH", br. 6/10, 37/10 i 62/10), Ured Vlade Federacije Bosne i Hercegovine za zakonodavstvo i usklađenost sa propisima Europske unije utvrdio je Pročišćeni tekst Uredbe o osnivanju Federalne novinske agencije, kako slijedi

10837

SNFBIH 1

JU FEDERALNA NOVINSKA
AGENCIJA

Obala Kulina bana 16

71000 SARAJEVO
BOSNA I HERCEGOVINA

SLUŽBENE NOVINE FEDERACIJE BOSNE I HERCEGOVINE

Izdanie na bosanskom, hrvatskom i srpskom jeziku



СЛУЖБЕНЕ НОВИНЕ ФЕДЕРАЦИЈЕ БОСНЕ И ХЕРЦЕГОВИНЕ

Издање на босанском, хрватском и српском језику

Godina XXIII - Broj 68

Srijeda, 31. 8. 2016. godine
SARAJEVO

ISSN 1512-7079

VLADA FEDERACIJE BOSNE I HERCEGOVINE

1656

Na osnovu člana 54. stav (2) tačka 1) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Vlada Federacije Bosne i Hercegovine, na 66. sjednici, održanoj 25.08.2016. godine, donosi

UREDBU O IZMJENI UREDBE O OSNIVANJU FEDERALNE NOVINSKE AGENCIJE

Član 1.

U Uredbi o osnivanju Federalne novinske agencije - Prečišćeni tekst ("Službene novine Federacije BiH", broj 25/12), u članu 10. stav (2) riječ "sedam" zamjenjuje se riječju "pet".

Član 2.

Ova uredba stupa na snagu narednog dana od dana objavljivanja u "Službenim novinama Federacije BiH".

V. broj 1645/2016
25. augusta 2016. godine
Sarajevo

Premijer
Fadil Novalić, s. r.

Na temelju članka 54. stavak (2) točka 1) Zakona o organiziranju organa uprave u Federaciji Bosne i Hercegovine ("Službene novine Federacije BiH", broj 35/05), Vlada Federacije Bosne i Hercegovine, na 66. sjednici, održanoj 25.08.2016. godine, donosi

UREDBU O IZMJENI UREDBE O OSNIVANJU FEDERALNE NOVINSKE AGENCIJE

Članak 1.

U Uredbi o osnivanju Federalne novinske agencije - Prečišćeni tekst ("Službene novine Federacije BiH", broj 25/12), u članku 10. stavak (2) riječ "sedam" zamjenjuje se riječju "pet".

1657

Na osnovu člana 19. stav (1), a u vezi sa članom 21. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 66. sjednici, održanoj 25.08.2016. godine, donosi

Članak 2.

Ova uredba stupa na snagu narednog dana od dana objave u "Službenim novinama Federacije BiH".

V. broj 1645/2016
25. kolovoza 2016. godine
Sarajevo

Premijer
Fadil Novalić, v. r.

Na osnovu člana 54. stav (2) tačka 1) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Vlada Federacije Bosne i Hercegovine, na 66. sjednici, održanoj 25.08.2016. godine, donosi

УРЕДБУ О ИЗМЈЕНИ УРЕДБЕ О ОСНИВАЊУ ФЕДЕРАЛНЕ НОВИНСКЕ АГЕНЦИЈЕ

Члан 1.

У Уредби о оснивању Федералне новинске агенције - Prečišćeni tekst ("Службене новине Федерације БиХ", број 25/12), у члану 10. став (2) ријеч "седам" замјењује се ријечу "пет".

Члан 2.

Ова уредба ступа на снагу нarednog dana od dana objavlјавања у "Службеним новинама Федерације БиХ".

В. број 1645/2016
25. августа 2016. године
Сарајево

Премијер
Фадил Новалић, с. р.